



Broj: 05-4104-6/16
Sarajevo, 21. 11. 2016. godine

Na temelju člana 64. stav (1) tačke b) Zakona o javnim nabavkama („Službeni glasnik BiH“, broj: 39/14, u nastavku: Zakon), člana 70. stav (1), (3) i (6) Zakona, preporuke komisije iz Zapisnika o pregledu i ocjeni ponuda, broj: 05-4104-4/16 od 18. 11. 2016. godine i člana 22. Statuta Agencije za bankarstvo Federacije BiH („Službene novine Federacije BiH“, broj: 42/04), direktor Agencije za bankarstvo Federacije BiH donosi

O D L U K U
**o izboru najpovoljnijeg ponuđača u postupku javne nabavke usluga putničke agencije –
posredovanje pri nabavci avio karata**

Član 1.

Prihvata se preporuka komisije za provođenje postupka javne nabavke iz Zapisnika o pregledu i ocjeni ponuda, broj i datum iz uvodnog dijela ove odluke, po provedenom otvorenom postupku javne nabavke usluga putničke agencije – posredovanje pri nabavci avio karata za potrebe Agencije za bankarstvo Federacije BiH (u nastavku: Ugovorni organ) i okvirni sporazum za period od jedne godine, dodjeljuje se ponuđaču CENTROTRANS-EUROLINES d.d. Sarajevo.

Član 2.

Ukupna ponuđena cijena predmetnih usluga iz člana 1. ove odluke, koja je uzeta u obzir u svrhu postizanja usporedivosti ponuda odnosno njihovog vrednovanja za potrebe odabira najpovoljnijeg ponuđača, iznosi 65.420,75 KM, bez poreza na dodanu vrijednost (PDV), što u konačnici, s uračunatim PDV-om, iznosi 76.542,28 KM.

Član 3.

U skladu s članom 70. stav (6) Zakona, Ugovorni organ objavit će ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su učestvovali u ovom postupku.

Član 4.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stava (2) Zakona.

O B R A Z L O Ž E N J E

Odlukom direktora Ugovornog organa, broj: 05-4104/16 od 18. 10. 2016. godine, pokrenut je postupak javne nabavke usluga putničke agencije – posredovanje pri nabavci avio karata za potrebe Agencije. Javna nabavka je provedena putem otvorenog postupka, a kao kriterij za dodjelu ugovora odabrana je najniža cijena tehnički zadovoljavajuće ponude.

Obavještenje o nabavci predmetnih usluga objavljeno je na Portalu javnih nabavki dana 24. 10. 2016. godine pod brojem: 3010-1-2-156-3-27/16, a u skladu s odredbama člana 36. Zakona, sažetak obavijesti u Službenom glasniku BiH, broj: 81/2016 od 28. 10. 2016. godine

Procijenjena vrijednost predmetne javne nabavke iznosi 65.000,00 KM, bez uračunatog poreza na dodanu vrijednost (PDV).

Dana 09. 11. 2016. godine, u skladu s Obavještenjem o nabavci u ostavljenom krajnjem roku za dostavu ponuda blagovremeno je pristiglo 7 (sedam) ponuda i to od strane sljedećih ponuđača: TRAVEL CENTAR d.o.o. Sarajevo, VIP TRAVLES d.o.o. Sarajevo, BA TOURS d.o.o. Sarajevo, CENTROTRANS – EUROLINES d.d. Sarajevo, RELAX TOURS d.o.o. Sarajevo, KOMPAS – SARAJEVO d.o.o. Sarajevo, MRKULIĆ COMPANY d.o.o. - P.J. HOLLYWOOD TRAVEL Sarajevo, te je komisija izvršila javno otvaranje ponuda prema datumu i vremenu utvrđenom u prethodno navedenom Obavještenju. Javnom otvaranju ponuda prisustvovao je ovlašten predstavnik ponuđača CENTROTRANS–EUROLINES d.d. Sarajevo.

Komisija je nakon otvaranja ponuda, sačinila Zapisnik o otvaranju ponuda i isti u roku od 3 (tri) dana od dana otvaranja dostavila navedenim ponuđačima. Postupak je dalje nastavljen u smislu detaljne analize dokumentacije priložene uz svaku pojedinačnu ponudu, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji (u nastavku: TD), te na osnovu iste evidentirala slijedeće nepravlnosti:

- a) Ponuđač VIP TRAVELS d.o.o. Sarajevo nije ispunio uslove iz TD, iz razloga što je u ponudi izostavio ispuniti Okvirni sporazum (Aneks 6 TD) u dijelu ugovora koji se odnosi na broj i datum ponude pružaoca usluge (član 2.), te je isti izostavio potpisati i ovjeriti Okvirni sporazum na mjestu predviđenom za to. Navedeni ponuđač nije ispunio kvalifikacijske uslove iz TD, s obzirom na to da nije dostavio dokaz o uredno izvršenom najmanje jednom ugovoru u prethodne tri poslovne godine u vidu potvrde koju daje druga ugovorna strana. Umjesto traženog dokaza ponuđač je dostavio pismo preporuke druge ugovorne strane za prethodne četiri (4) poslovne godine (2012., 2013., 2014 i 2015.), a ne tri (3) kako je zahtijevano TD. Iz dostavljene preporuke nije moguće utvrditi da li je ponuđač u prethodne tri (3) poslovne godine (2013., 2014. i 2015.) uspješno izvršio jedan ugovor čija je vrijednosti najmanje jednaka procijenjenoj vrijednosti predmetne nabavke, s obzirom da ista obuhvata i 2012. godinu.
- b) Ponuđači BA TOURS d.o.o. Sarajevo i MRKULIĆ COMPANY d.o.o. P.J. HOLLYWOOD TRAVEL nise ispunili kvalifikacijske uslove iz TD, iz razloga što nisu dostavili ovjerenu potvrdu o korištenju rezervacijskog sistema (Amadeus, Worldspan i dr.) ne stariju od 6 (šest) mjeseci od dana dostavljanja ponude. Isti su dostavili ovjerenu kopiju Ugovora o korištenju rezervacijskog sistema Amadeus od 16. 12. 2014. godine, odnosno 29. 10. 2014. godine.

Slijedom navedenog, komisija je dala prijedlog odgovornoj osobi Ugovornog organa da se ponude navedenih ponuđača odbiju kao neprihvatljive, u skladu s članom 68. stav (1) i (4) tačkom i) Zakona.

Nadalje, primjenom člana 64. stav (1) tačka b) Zakona, komisija je utvrdila rezultate rangiranja ponuđača čije su ponude ocijenjene kao prihvatljive kako slijedi:

Redni broj	Ponuđači	Jedinična cijena naknade za izadavanje avio karte (bez PDV-a)	Ukupna cijena sa popustom (bez PDV-a)
1.	CENTROTRANS – EUROLINES d.d. Sarajevo	4,95 KM	65.420,75 KM
2.	RELAX TOURS d.o.o. Sarajevo	5,13 KM	65.436,05 KM
3.	KOMPAS-SARAJEVO d.o.o. Sarajevo	6,84 KM	65.581,40 KM
4.	TRAVEL CENTAR d.o.o. SARAJEVO	20,00 KM	66.700,00 KM

Napomena: Ukupna ponuđena cijena predmetnih usluga tj. ukupna cijena bez PDV-a (s uračunatim popustom) poslužila je u svrhu vrednovanja ponuda međusobno i definiranja jedinične cijene koja će vrijediti tokom trajanja ovog okvirnog sporazuma, sukladno Obrascu za cijenu ponuda (Aneks 3) TD.

U skladu s navedenim, primjenjujući kriterij najniže cijene tehnički zadovoljavajuće ponude, a saglasno članu 69. stav (1) tačke a) Zakona, komisija je jednoglasno predložila da se okvirni sporazum za period od jedne godine od dana obostranog potpisivanja sporazuma, u predmetnom postupku javne nabavke dodijeli ponuđaču CENTROTRANS-EUROLINES d.d. Sarajevo.

Uvažavajući navedeno, direktor Ugovornog organa prihvatio je prijedlog komisije te donio odluku kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Ugovornom organu – Agenciji za bankarstvo Federacije BiH u pisanoj formi, direktno, elektronskim putem ili preporučenom poštanskom pošiljkom. Žalbu je potrebno podnijeti u dovoljnom broju primjeraka koji ne može biti manji od 3 (tri).



Dostaviti:

- svim učesnicima u postupku,
- Sektoru zajedničkih funkcija,
- a/a.